

Tiranë më 29 Korrik 2024

Nga: Instituti për Ndryshim dhe Lidërsip në Shqipëri

Lënda: *Kërkesë për informacion*

I nderuar z. Kryetar,

Instituti për Ndryshim dhe Lidërsip në Shqipëri (INLSH) ka nisur në Maj 2024 zbatimin e një projekti që synon të fuqizojë dhe mbështesë Organizatat e Shoqërisë Civile (OSHC) në monitorimin, vlerësimin dhe promovimin e pjesëmarrjes së publikut në planifikimin buxhetor dhe zbatimin e planeve vendore të veprimit për energjinë dhe klimën.

Ky projekt po zbatohet në kuadër të nismës “Kapacitetet e Mbikëqyrjes Qytetare për Llogaridhënie dhe Transparencën Buxhetore: BAT-Shoqëria Civile”, i cili zbatohet nga IDM në bashkëpunim me Qendrën CRPM dhe Fakoje, i financuar nga Bashkimi Evropian (EuropeAid/174080/DD/ACT/).

Në kuadër të projektit do të përgatitet një raport monitorimi për të 61 bashkitë në nivel kombëtar për të vlerësuar nëse Planet Vendore të Veprimit për Eficencën e Energjisë dhe Klimës janë hartuar në secilën bashki dhe janë marrë masa respektive të parashikuara në buxhetin vjetor të bashkisë ose nëse bashkitë kanë parashikuar në buxhetin vjetor të bashkisë fonde për zbatimin e masave të ndryshme të Eficencës së Energjisë.

Raporti do të fokusohet në mënyrë specifike në analizimin e buxhetimit me pjesëmarrje që zhvillohet në secilën bashki për të parë nëse masat e parashikuara në buxhetin vjetor për eficientësinë e energjisë janë hartuar në konsultim me publikun dhe grupet e ndryshme të interesit.

Kjo kërkesë për informacion i dërgohet në mënyrë zyrtare të gjitha bashkive në Republikën e Shqipërisë. Informacioni që kërkojnë është i detajuar sipas pyetjeve më poshtë.

1. A ka hartuar Bashkia juaj Planin Vendor të Veprimit për Eficencën e Energjisë dhe Klimën?

a) Nëse PO, A keni parashikuar fonde në buxhetin vjetor të bashkisë për zbatimin e Planit Vendor të Veprimit për Eficencën e Energjisë dhe Klimën? Sa janë këto fonde dhe cilat aktivitete specifike mbulojnë?

b) Si vlerësoni zbatimin deri tani të këtij plani? A keni ndonjë statistikë ose raport që mund të ndani me ne?

c) A është përfshirë komuniteti lokal dhe Organizatat e Shoqërisë Civile në procesin e hartimit ose rishikimit të Planit Vendor të Veprimit për Eficencën e Energjisë dhe Klimën. Nëse Po, në çfarë mënyrash janë përfshirë?

d) A është përfshirë komuniteti lokal dhe Organizatat e Shoqërisë Civile në procesin e buxhetimit të Planit Vendor të Veprimit për Eficencën e Energjisë dhe Klimën. Nëse Po, në çfarë mënyrash janë përfshirë?

2. Nëse bashkia nuk e ka hartuar akoma Planin Vendor të Veprimit për Eficencën e Energjisë dhe Klimën.

a) A keni marrë ndonjë masë tjetër alternative për të zbatuar masat e parashikuara në legjislacionin shqiptar për eficencën e energjisë?

b) Si vlerësoni efektivitetin e masave të zbatuara deri tani për eficencën e energjisë dhe klimës në bashkinë tuaj?

c) A është përfshirë komuniteti lokal dhe Organizatat e Shoqërisë Civile në procesin e buxhetimit të këtyre masave për Eficencën e Energjisë dhe Klimën. Nëse Po, në çfarë mënyrash janë përfshirë?

3. Pjesëmarrja e publikut në vendimarrje

a) A zhvillohet procesi i buxhetimit me pjesëmarrje në bashkinë tuaj?

b) Si përfshihet komuniteti në procesin e buxhetimit me pjesëmarrje?

c) Cfarë sugjerimesh keni marrë në lidhje me masat e eficencës së energjisë gjatë procesit të buxhetimit me pjesëmarrje?

d) Si e realizoni komunikimin me grupet e interesit/komunitetin për t'a ftuar të marrë pjesë në procesin e konsultimeve për buxhetin?

4. Zbatimi i masave të eficencës së energjisë

a) A keni ndonjë program ose nismë për të edukuar dhe informuar komunitetin mbi eficencën e energjisë dhe ndryshimet klimatike?

b) Nëse po, cilat janë këto programe dhe çfarë aktivitete përfshijnë?

c) Çfarë rekomandimesh keni për përmirësimin e pjesëmarrjes së publikut dhe OSHC-ve në planifikimin dhe zbatimin e masave të eficencës së energjisë dhe klimës?

5. Cilat janë sfidat kryesore që has bashkia juaj në zbatimin e masave të eficencës së energjisë dhe klimës?

a) Si keni planifikuar t'i adresoni këto sfida?

Mbështetur në Ligjin Nr. 119/2014 “Për të drejtën e informimit”, INLSH do të vlerësonte përgjigjet tuaja në lidhje me informacionin e kërkuar.

Ju falënderojmë për bashkëpunimin tuaj.